

قصة أصحاب أجنحة

المعلمة : يلا بسرعة تعالوا قوام

الأطفال : هنروح فين؟

المعلمة : نحكي حكاية حاصلة زمان

الأطفال : حكاية إيه؟

يلا بسرعة شوقتنا

يلا بسرعة احكي لنا قوام

المعلمة : حاضر.. حاضر

صلوا ع اللي هيشفع لنا

نبينا خير الأنام

الأطفال : عليه الصلاة والسلام



المعلمة : كان يا ما كان

كان فيه بستان

يملكه راجل طيب جدًا

كان اسمه عم حمام

كان اسمه؟؟

الأطفال : عم حمام

المعلمة : لما بيحصد زرعه

دائمًا كان بيعطي للغنبان

فجأة العم الطيب مات

الأطفال : فجأة العم الطيب مات!!

المعلمة : لما البستان أخده ولاده

طمعوا حتى ف مال الله

قالوا هنصبح قبل الناس



نجمع كل ما ف البستان
مش هنخلي فيها ولا ثمرة
ياخذها حتى واحد غلبان
نسيوا إن ده حق الله
وإن ده فرض
واسمه زكاة
نسيوا إن ده حق الله
وإن ده فرض
واسمه زكاة
الأطفال : هي وبعدين؟
المعلمة : أخذوا جزاءهم
صبحوا الصبح
لقوها رماد.



المعلمة والأطفال معاً:

عارفين إن الحق ده لازم

يخرج دائماً لوجه الله

للمساكين والمحتاجين

ومانطمعش ف حق الله

هتبقى حياتنا سعيدة تملئ

ولا ييقاش للكره مجال

ونلاقى بركة ف كل حياتنا

وده كله بأمر الله..

بأمر الله

سبح ربك

واشكره دائماً

نعمة عليك ما بتتعدش ولا تحصي



واطلب منه يتجيك دائماً

وامشي تملي ف طاعة الله

ف طاعة الله.

